

Na osnovu tačke 2.1. Kodeksa korporativnog upravljanja JP Elektroprivreda Bosne i Hercegovine d.d. – Sarajevo, broj SD-7863/12-25/3 od 20.04.2012. godine, u nastavku se daje Izjava o usklađenosti postupanja sa Kodeksom korporativnog upravljanja u 2024. godini. Izjava o usklađenosti postupanja sa Kodeksom korporativnog upravljanja u 2024. godini je dio Izvještaja o poslovanju JP Elektroprivreda BiH d.d. – Sarajevo za 2024. godinu (str. 13/54-14/54) koji je usvojen na Osamdeset i osmoj (redovnoj) Skupštini JP Elektroprivreda BiH d.d. – Sarajevo, održanoj dana 26.06.2025. godine.

## IZJAVA O USKLAĐENOSTI POSTUPANJA SA KODEKSOM KORPORATIVNOG UPRAVLJANJA U 2024. GODINI

Javno preduzeće Elektroprivreda Bosne i Hercegovine d.d. – Sarajevo (u daljem tekstu: Društvo) je u 2024. godini pratilo i primijenilo preporuke utvrđene Kodeksom korporativnog upravljanja JP Elektroprivreda BiH d.d. - Sarajevo, broj SD-7863/12-25/3 od 20.04.2012. godine. U Kodeksu korporativnog upravljanja JP Elektroprivreda BiH d.d. - Sarajevo uvažene su specifičnosti koje proizilaze iz činjenice da je Društvo javno preduzeće, na koje se primjenjuje i Zakon o javnim preduzećima u Federaciji BiH.

U 2024. godini su blagovremeno izvršavane sve obaveze koje se odnose na objavu informacija predviđenih Kodeksom korporativnog upravljanja JP Elektroprivreda BiH d.d. – Sarajevo i Pravilnikom o objavljivanju informacija i izvještavanju na tržištu vrijednosnih papira (Službene novine Federacije BiH, broj 99/22).

JP Elektroprivreda BiH d.d. - Sarajevo je dioničko društvo. Prema listi dioničara, koju je Društvo pribavilo od Registra vrijednosnih papira za potrebe održavanja Osamdeset i pete (vanredne) Skupštine JP Elektroprivreda BiH d.d. - Sarajevo, Društvo je na dan 27.11.2024. godine imalo ukupno 2.584 dioničara (31.506.541 dionica). Na taj dan prvih deset dioničara su:

Tabela 3.1

Redni broj	Dioničar	Broj dionica	Udio (%)
1.	Federacija Bosne i Hercegovine	28.472.181	90,3691
2.	Raiffeisen BANK d.d. Bosna i Hercegovina	390.678	1.2400
3.	ZIF CROBIH FOND d.d. Mostar	272.468	0,8648
4.	ZIF HERBOS FOND d.d. Mostar	210.011	0,6666
5.	ZIF „PROF-PLUS“ d.d. Sarajevo	206.577	0,6557
6.	ZIF „prevent INVEST „ d.d. Sarajevo	204.113	0,6478
7.	ZIF „BONUS“ d.d. Sarajevo	180.904	0,5742
8.	OAIK „VIB FOND“ a.d. Banja Luka	111.950	0,3553
9.	ASA Banka d.d. Sarajevo	88.624	0,2813
10.	ZIF „FORTUNA FOND“ d.d.	74.929	0,2378

Društvo je u 2024. godini održalo ukupno sedam (7) sjednica Skupštine Društva, i to: Sedamdeset i deveta (vanredna) Skupština koja je održana 23.02.2024. godine, Osamdeseta (vanredna) Skupština koja je održana 26.03.2024. godine, Osamdeset i prva (vanredna) Skupština koja je održana 29.04.2024. godine, Osamdeset i druga (vanredna) Skupština koja je održana 24.05.2024. godine, Osamdeset i treća (vanredna) koja je održana 21.06.2024. godine, Osamdeset i četvrta (redovna) koja je održana 26.08.2024. godine, te Osamdeset i peta (vanredna) koja je održana 27.12.2024. godine. Obavještenja o sazivanju su objavljena u dnevnim novinama i na *web* stranici Društva. Materijali za Skupštinu Društva su objavljeni na *web* stranici Društva, kao i donesene odluke na održanim Skupštinama.

Nadzorni odbor JP Elektroprivreda BiH d.d. – Sarajevo je do 24.02.2024. godine djelovao u sastavu:

- Ženja Ljubuškić, v.d. član (predsjednik)
- Vedran Kaser, v.d. član
- Dr. sci. Milenko Obad, v.d. član
- Edin Hamzić, v.d. član
- Mr. sci. Damir Okanović, v.d. član
- Idham Kruško, v.d. član

– Ivan Gržić, član.

Od 25.02.2024. do 29.04.2024. godine Nadzorni odbor je djelovao u sastavu:

- Ženja Ljubuškić, v.d. član (predsjednik)
- Vedran Kaser, v.d. član
- dr. sci. Milenko Obad, v.d. član
- Edin Hamzić, v.d. član
- Damir Kurjaković, v.d. član
- Eldar Aganović, v.d. član
- Ivan Gržić, član

Od 30.04.2024. godine, Nadzorni odbor djeluje u sastavu:

- Vedran Kaser, v.d. član (predsjednik)
- Dr. sci. Amel Kosovac, v.d. član
- Dr. sci. Milenko Obad, v.d. član
- Edin Hamzić, v.d. član
- Damir Kurjaković, v.d. član
- Eldar Aganović, v.d. član
- Ivan Gržić, član

s tim da su dotadašnji vršioci dužnosti članova Nadzornog odbora Društva na Osamdeset i četvrtoj (redovnoj) Skupštini Društva održanoj 26.08.2024. godine imenovani za članove Nadzornog odbora do isteka četverogodišnjeg mandata člana Nadzornog odbora Društva koji je započeo 23.08.2023. godine.

Niti jedan član Nadzornog odbora nije dioničar JP Elektroprivreda Bosne i Hercegovine d.d. – Sarajevo, dok jedan član, Damir Kurjaković ima u vlasništvu 25% udjela (odnosno 4.000,00 KM temeljnog kapitala) u društvu “4F Energy d.o.o. Gradačac” koje se potencijalno može smatrati konkurentskim društvom JP Elektroprivreda Bosne i Hercegovine d.d. – Sarajevo. Imenovani je, u skladu sa Zakonom o privrednim društvima i Statutom Javnog preduzeća Elektroprivreda BiH d.d. – Sarajevo podnio zahtjev Nadzornom odboru Društva za dobijanje saglasnosti za bavljanje konkurentnom djelatnošću, povodom kojeg je Nadzorni odbor Društva na 50. sjednici održanoj 30.10.2024. godine donio Odluku kojom mu se daje saglasnost da, u svojstvu suvlasnika u osnovnom kapitalu privrednog društva 4F Energy d.o.o. Gradačac, sudjeluje u djelatnosti proizvodnja električne energije.

Nadzorni odbor nadzire poslovanje Društva i radi na osnovu Zakona o privrednim društvima, Zakona o javnim preduzećima, Statuta Društva i Poslovnika o radu Nadzornog odbora. U toku 2024. godine održano je 40 sjednica Nadzornog odbora i to 18 redovnih i 22 vanredne sjednice. Bliži opis aktivnosti Nadzornog odbora u 2024. godini je sadržan u Izvještaju o radu Nadzornog odbora za 2024. godinu.

Odbor za reviziju se sastoji od 3 člana. Odbor za reviziju je do 28.05.2024. godine djelovao u sastavu:

- mr. sci. Almira Zulić, dipl.ecc (predsjednica)
- Mustafa Šakić, dipl.ecc
- Ismeta Jakupović-Divković, dipl.ecc.

Od 21.06. 2024. godine Odbor za reviziju djeluje u sastavu:

- mr Mevledin Bećirević, dipl.ecc (predsjednik)
- Namik Smajović, dip. pravnik
- Suljo Kasapović, dipl.ecc

Članovi Odbora za reviziju nemaju u vlasništvu dionice/udjele u društvima koja se mogu smatrati konkurentskim društvima JP Elektroprivreda Bosne i Hercegovine d.d. – Sarajevo. Odbor za reviziju obavlja poslove u skladu sa Zakonom o privrednim društvima, Zakonom o javnim preduzećima, Statutom Društva, Poslovníkom o radu Odbora za reviziju i drugim aktima Društva. Bliži opis aktivnosti Odbora za reviziju u 2024. godini je u Izvještaju o radu Odbora za reviziju za 2024. godinu.

Uprava Društva je u 2024. godini djelovala u sastavu:

- dr. sci. Sanel Buljubašić, Generalni direktor
- Fahrudin Tanović, Izvršni direktor za proizvodnju
- Edisej Sjerotanović, Izvršni direktor za distribuciju
- dr. sci. Nevad Ikanović, Izvršni direktor za snabdijevanje i trgovinu

- Sanela Jurišić, Izvršna direktorica za ekonomske poslove
- mr Amra Obranović, Izvršna direktorica za pravne poslove i ljudske resurse
- Harun Gadžo, Izvršni direktor za kapitalne investicije.

Do 16.05.2024. godine, navedeni članovi Uprave su djelovali u svojstvu vršilaca dužnosti, a nakon provedenog javnog konkursa za izbor i imenovanje članova Uprave JP Elektroprivreda BiH d.d. – Sarajevo su imenovani na četverogodišnji mandat koji je počeo 17.05.2024. godine. Niti jedan član Uprave Društva nije dioničar JP Elektroprivreda Bosne i Hercegovine d.d. - Sarajevo i nema u vlasništvu dionice/udjele u društvima koja se mogu smatrati konkurentskim društvima JP Elektroprivreda Bosne i Hercegovine d.d. – Sarajevo.

Kretanje cijene i promet dionicama Društva: Početkom 2024. godine cijena dionice Društva (oznaka JPESR) na Sarajevskoj berzi (SASE) bila je oko 13,5 KM, dok je na kraju 2024. godine cijena iznosila 12,45 KM, što predstavlja pad u odnosu na početak godine od 7,7%. Posmatrajući po obimu prometa dionica na SASE za 2024. godinu, JP Elektroprivreda BiH d.d. – Sarajevo je na 11. mjestu (733,4 hilj. KM), dok je 3. po broju zaključenih transakcija u toku godine (255 transakcija).